

## ACTA DA XUNTA DE GOBERNO LOCAL

Sesión do 27 de xullo de 2009

### ASISTENTES:

### NON ASISTEN:

#### Membros :

D. Abel Caballero Álvarez  
D<sup>a</sup> Isaura Abelairas Rodríguez  
D. Francisco Xabier Alonso Pérez  
D. Xulio Calviño Rodríguez  
D. Santiago Domínguez Olveira  
D. Carlos López Font  
D. Santos Héctor Rodríguez Díaz  
D. José Manuel Mariño Mendoza

D<sup>a</sup> M<sup>a</sup> Xosé Méndez Piñeiro  
D. Eudósio Álvarez Álvarez

#### Invitados:

D<sup>a</sup> María Jesús Lago Rey  
D<sup>a</sup> Laura López Atrio  
D. Angel Rivas González

D<sup>a</sup> Raquel Díaz Vázquez  
D. Xesús López Carreira  
D<sup>a</sup> Iolanda Veloso Ríos

Na Casa do Concello de Vigo, ás oito horas e corenta minutos do día vinte e sete de xullo de dous mil nove e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA de acordo coa orde do día remitida a todos os membros coa antelación legal precisa.

Están tamén presentes por invitación, a titular acctal. do órgano de apoio á Xunta de Goberno Local, Sra. Campos Acuña, o interventor xeral, Sr. González Carnero, titular da Ase-soría Xurídica, Sr. González Yebra-Pimentel..

A Xunta de Goberno Local adopta os seguintes acordos:

**1(1041).- CONTRATACIÓN ARTÍSTICA DE LEONARD COHEN DENTRO DO PROGRAMA DAS FESTAS DE VERÁN DE VIGO. EXPTE. 3229/335.**

Examinadas as actuacións do expediente, visto o informe de fiscalización do 23.07.09, e de acordo co informe-proposta do xefe do Servizo de Animación Sociocultural, do 17.07.09, conformado polo concelleiro delegado de Animación Sociocultural, a Xunta de Goberno local acorda:

1º.- Aprobar o proxecto de contrato, que se achega no expediente, para a contratación, de acordo co previsto no artigo 20 da Lei 30/2007, da actuación musical de LEONARD COHEN, dentro do programa de concertos das Festas de Verán 2009, o día 13 de agosto ás 22:00 horas, no auditorio ao aire libre de Castrelos.

2º.- Autorizar un gasto por un importe de 232.000,00 euros (IVE incluído) con cargo á bolsa de vinculación da partida presupostaria 4512.226.0805 (Festas de Vigo) do programa de Animación Sociocultural para o vixente exercicio en concepto da contratación do referido espectáculo e que se aboará a MEDIA ARTICKET.

3º.- Que o pagamento se realice a través da conta de habilitación de Animación Sociocultural 2080.0000.77.0040277241.

4º.- Aprobar os prezos de 18 euros como venda anticipada e de 20 euros como venda en taquilla para as 1.700 entradas que o Concello porá á venda e das que será o único beneficiario.

**2(1042).- ADXUDICACIÓN PROVISIONAL DOS LOTES 2 E 3 DA PRODUCCIÓN DAS FESTAS DE VERÁN DE VIGO. EXPTE. 3273/335.**

Examinadas as actuacións do expediente, dáse conta do informe-proposta de data 24.07.09, da secretaria da Mesa de Contratación, fiscalizado de conformidade polo interventor xeral, que di o seguinte:

*A vista das actuacións da Mesa de Contratación celebrada os días 23-07-2009 e 24-07-2009 e o informe do xefe do Servizo de Animación-Sociocultural de data 24-07-2009, e por unanimidade dos asistentes, se propón á Xunta de Goberno Local a adxudicación provisional seguinte:*

*“1º.- Adjudicar provisionalmente a PRODUCCIONES EMSAC, S.L., o lote 2 (producción Peirao de Transatlánticos) do Procedemento negociado sen publicidade dos servizos de produción integral das Festas de Verán 2009 por un prezo total de 141.520 euros (a cota correspondente o IVE é de 19. 520 euros).*

*Todo o anterior de acordo co prego de cláusulas administrativas particulares aprobado por acordo da Xunta de Goberno de 15-07-2009 e a oferta presentada.*

*2º.- Adjudicar provisionalmente a PRODUCCIONES EMSAC, S.L., o lote 3 (producción Praza da Estrela, Praza da Constitución, Praza de Compostela, Praza do Rei, Maratón fotográfico, Monte do Castro e animación de rúa) do Procedemento negociado sen publicidade dos servizos de produción integral das Festas de Verán 2009 por un prezo total de 145.232 euros (a cota correspondente o IVE é de 20. 032 euros).*

*Todo o anterior de acordo co prego de cláusulas administrativas particulares aprobado por acordo da Xunta de Goberno de 15-07-2009 e a oferta presentada.*

*3º.- No prazo dos 10 días hábiles seguintes a inserción no perfil do contratante do presente acordo, o adxudicatario provisional terá que presentar a seguinte documentación:*

*a) Documentación xustificativa de estar ó corrente no cumprimento das súas obrigas tributarias, coa Seguridade Social e coa Xunta de Galicia.*

*b) Constituír a garantía definitiva por importe do 5 por cento do importe de adjudicación excluído o imposto sobre o valor engadido. As garantías poderán constituírse por calquera dos medios a que se refire o art. 84 da LCSP.*

*4º.- Esta proposta de adjudicación provisional se converterá en proposta de adjudicación definitiva sen necesidade dun novo acordo da mesa de contratación, se se presentan os documentos esixidos no apartado 2º da proposta.”*

#### Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás oito hora e corenta e cinco minutos. Como secretaria dou fé.

me.

A CONCELLEIRA-SECRETARIA  
DA XUNTA DE GOBERNO LOCAL,

Isaura Abelairas Rodríguez.